



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

PRAVILNIK
O IZMJENI I DOPUNAMA PRAVILNIKA O UNUTRAŠNJOJ ORGANIZACIJI
KANTONALNE UPRAVE CIVILNE ZAŠTITE
KANTONA SARAJEVO

Sarajevo, juni 2023. godine

Na osnovu člana 52. stav (1) tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ i člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“, br.: 36/06, 8/12, 39/16, 13/22 i 41/22), uz pribavljeno mišljenje Samostalnog sindikata kantonalnih državnih službenika i namještenika - Sindikalne organizacije Profesionalne vatrogasne brigade Kantona Sarajevo u skladu sa članom 5. Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj: 30/22) i saglasnost Vlade Kantona Sarajevo, direktor Kantonalne uprave civilne zaštite Kantona Sarajevo d o n o s i

P R A V I L N I K **O IZMJENI I DOPUNAMA PRAVILNIKA O UNUTRAŠNJOJ ORGANIZACIJI** **KANTONALNE UPRAVE CIVILNE ZAŠTITE**

Član 1. **(Dopuna člana 4.)**

U Pravilniku o unutrašnjoj organizaciji Kantonalne uprave civilne zaštite Kantona Sarajevo, broj: 03-30-546/22 od 19.04.2022. godine, broj: 03-30-1161/22 od 27.09.2022. godine i broj: 03-30-1279/22 od 24.10.2022. godine, (u daljem tekstu: Pravilnik), u članu 4. Unutrašnja organizacija u stavu (7) iza tačke b) dodaje se nova tačka c) koja glasi: „c) Radnika zaštite na radu“.

Dosadašnja tačka c) postaje tačka d).

Član 2. **(Brisanje člana 41. Pravilnika)**

U član 41. Pravilnika radno mjesto Radno mjesto Kontrolor za provođenje mjera zaštite od požara i zaštite na radu briše se.

Član 3. **(Novi član 78a. Pravilnika)**

Iza člana 78. Pravilnika dodaje se novi član 78a. koji glasi:

„Član 78a. **(Radno mjesto Radnik zaštite na radu)**

- (1) **Naziv radnog mjesta:** Radnik zaštite na radu.
- (2) **Opis poslova:**
 - a) učestvuje u izradi akta o procjeni rizika;
 - b) učestvuje u izradi prijedloga internog akta o zaštiti na radu;
 - c) izrađuje plan i program mjera zaštite na radu;
 - d) vrši unutrašnji nadzor nad primjenom mjera zaštite na radu;
 - e) pruža stručnu pomoć u provođenju i unaprijedenju sigurnosti i zaštite zdravlja na radu,
 - f) izrađuje uputstva za siguran rad;
 - g) prati i organizuje periodične preglede sredstava za rad, sredstava i opreme lične zaštite;
 - h) prati i organizuje periodične preglede hemijskih, fizičkih i bioloških štetnosti i mikrokline u radnoj okolini;
 - i) priprema i organizuje osposobljavanja radnika za siguran rad;

j) prati stanje i izvještava rukovodioca o povredama na radu, profesionalnim oboljenjima i bolestima u vezi sa radom;

k) analizira uzroke povreda na radu i profesionalnih oboljenja u saradnji sa ovlaštenim doktorom specijalistom medicine rada i predlaže mjere za unaprijeđenje sigurnosti i zaštite zdravlja na radu;

l) prati i organizuje periodične ljekarske preglede radnika koji rade na poslovima sa povećanim rizikom, te analizira izvještaje o obavljenim periodičnim ljekarskim pregledima;

m) savjetuje rukovodioca u pogledu izbora i nabavke opreme i tehnološkog procesa rada;

n) saraduje sa rukovodiocem prilikom planiranja izgradnje i rekonstrukcije objekata namijenjenih za rad;

o) saraduje sa nadležnom inspekcijom rada i drugim ustanovama koje se bave sigurnošću i zaštitom na radu;

p) saraduje sa sindikatom i povjerenikom za zaštitu na radu, u skladu sa zakonom o zaštiti na radu;

r) za vršenje poslova odgovara direktoru Uprave.

(3) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa najmanje 180 ECTS studijskih bodova ili drugog ili trećeg ciklusa Bolonjskog sistema studiranja, završen fakultet iz grupacije tehničkih ili medicinskih ili prirodnih nauka; položen stručni ispit; poznavanje rada na računaru; jedna godina radnog staža u struci; najmanje dvije godine radnog iskustva na poslovima iz oblasti zaštite na radu; položen stručni ispit za obavljanje poslova radnika za zaštitu na radu; ili za namještenika organa državne službe koji je stekao VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, završen fakultet iz grupacije tehničkih ili medicinskih ili prirodnih nauka, a koji ima najmanje pet godina radnog iskustva u organima državne službe nakon položenog stručnog ispita za namještenika u organima državne službe i položen stručni ispit; poznavanje rada na računaru; najmanje dvije godine radnog iskustva na poslovima iz oblasti zaštite na radu; položen stručni ispit za obavljanje poslova radnika za zaštitu na radu.

(4) **Vrsta djelatnosti:** Poslovi osnovne djelatnosti.

(5) **Naziv grupe poslova:** Stručno - operativni.

(6) **Složenost poslova:** Složeni.

(7) **Status izvršioca:** Državni službenik.

(8) **Pozicija radnog mjesta:** Stručni saradnik.

(9) **Broj izvršilaca:** 1 (jedan).“

Član 4.

(Stupanje na snagu Pravilnika)

Ovaj Pravilnik stupa na snagu danom dobijanja saglasnosti Vlade Kantona Sarajevo i objavit će se u "Službenim novinama Kantona Sarajevo".

Broj: 03-30-816/23

Sarajevo, 15.06.2023. godine



Na ovaj Pravilnik Vlada Kantona Sarajevo dala je saglasnost na 22. sjednici održanoj 17.08.2023.godine, svojim aktom broj: 02-04-35789-8/23 od 17.08.2023. godine, a u skladu sa članom 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).